



29.09.2022

UKA2022/22

Aningaasarsianik akileraarutit pillugit Inatsisartut inatsisaata allanngortinneqarnera pillugu Inatsisartut inatsisissaat.

(Aningaasaqarnermut Naligiissitaanermullu Naalakkersuisoq)

Siullermeenera:

Aningaasarsianik akileraarutit pillugit Inatsisartut inatsisaata allanngortinnissaanik inatsisartut inatsisissaattut siunnersuut Aningaasaqarnermut Naligiissitaanermullu Naalakkersuisut saqqummiussaanut imatut Naleqqamiit oqaaseqassaagut.

Siunnersuut aningaasarsianit akileraarutit pillugit Inatsisartut inatsisaannut teknikikkut aaqqiinarnernik allannguutiginiakkanik assigiinngiaaqisunik arlalinnik imaqarpoq. Ilay naleqqussaa naleqqussaanerupput ilaallu inuuaqatigiinni kinguaariit suliffinnik kingornussillutik ingerlatitseqqinnissamik annertuumik kallaasussamik imaqarlutik. Taamatullu aamma inatsit ilai naleqqussarneqarlutik paasiuminarnerusumik allallugit oqaasertalerneqarsimallutik atuaruminarsarneqartut.

Siunnersuut pingasoqiusamik aaguarneqarsimasoq eqqarsaatigalugu ilaatigut Siunnersuut pisortat ikiorsiissutaat pillugit Inatsisartut inatsisissaattut siunnersuutip kinguneranik aaqqiissutinik aamma imaqarpoq tassa ikiorsiissutit tunniunneqartartut akileraarutaasalissasut pillugu aaqqiinermi eqqarsaatigineqanngitsoorsimasut kingunerisinnaasai inatsisitigut naleqqussarniarlugit siunnersuut imaqarpoq ilaatigut innarluutilinnut allatigullu pisortaniit ikiorsiisarnerit taamatullu boligsikring tassalu ineqarnermut tapissutaasartut akileraarusertannginnissaanik naleqqussaaneq Naleqqamiit taamatut inatsisitigut naleqqussaaneq suliarineqanngitsoorsimasoq maannakkut suliarineqarsuarmat nuannaarutigeqaarput.

Taamatut aaqqiigasuarsinnaaneq naammagisimaarnarpoq aammalu suligasuartoqarnera nersulaarparput, taamatullu oqareerluta akerlianik Naleqqamiit paasisinnaanngilluinnarparput



utoqqarnut tunngasut soorlu boligsikring-imut tunngasut utoqqaat tigusartagaasa annertusinissaraluanut annertuumik innarliisut sooq taamatut sukkatigisumik aaqqinneqarsinnaannginnerat tamanna uagut Naleqqamiit paasiuminaatsittorujussuarput assullu tupigusuutigalutigu.

Taamatullu aappaattut transfer pricing aaqqiinarneq tunngaviusutigut ajorinngilarput inatsisitigut pappilissatigut tunniunneqartussat akileraartarnermi qullersaqarfimmut ullut 60-it iluanni tunni-
usisussaataalernerat tamanna sukumiisumik sulinermi toqqammaveqalissasoq neriuutigaarput. Tassungalu ilutigalugu apeqqutigerusupparput ingerlatseqatigiiffiit inatsiseqarnerata oqartussaffigilernissaa kissaatigeqisarput aallartisimasarpullu nunatta ingerlanneqarneranut aningaarsiorneranullu pingaartuteqarluinnartuusup suliap sumut killinnerat manna iluatillugu Naalakkersuisunut apeqqutigersupparput.

Pigittivinnut inatsit aaqqinneqarnaveertoq uagut aatsaat Naalakkersuisuutitaqaleratta aaqqinneqartoq pillugu una aamma taamatununa ingerlaniartoq.

Tassungalu aamma pingaaruteqaruteqarluinnartuq inuussutissanik aqutisoqarfik fødevarestyrelse sooruna tusarfigeqqinngikkippu qaquguuna taanna aaqqinneqarniartoq.

Taavalu pingajuattut inatsimmi uani aaqqinneqarniartoq tukaqisumillu taamatullu ataqatigiinnngitsumik suliarineqarsimasoq inuiaqatigiinnullu sunniuteqartorujusuusussaq minnerunngitsumik ingerlatseqqinnermi inuusuttut tigusisinnaaneranut kinngornussisinnaanerallu annertuumik innarlerneqarnialersoq pillugu inatsit saqqummiunneqartoq siunertaa Ingerlatseqatigiiffiit akileraarutaasa inummullu akileraarutit procentiisa assigiinnngissusaata annertusiartorneranut atatillugu, ingerlatseqatigiiffimmi "ileqqaaruteqarnissaq", kingornalu aningasat ileqqaakkat atorunnaarsitsinermut atatillugu akileraarusigaanngitsumik tigusinnaanerata allanngortinniarneqartoq saqqummiunneqarpoq.

Taamatut aaqqiiniarnermut akileraatut sipaarutaasartutut taallugu 17-19 %-imik Akileraarutitut sipaakkanik taallugit aallerniarneq Naleqqamiit akuerisinnaanngilluinnaaqqissaarparput. Toqqamma-
vilersornermi siunnerfiginiagaq kisimi pinnagu ingerlatseqatigiiffinni tamani sunniutissai eqqarsaatigilluagaanngitsumik inatsit saqqummiunneqartoq Naleqqamiit isumaqarfigaarput.



Inuusuttut suliffinnik kingornisisinnaanerit annertuumik uani eqqarsaatigilluagaasumik aaqissuuneqanngippat. Siunertamik aaliangersimasumik aaqqiiniaraluarluni tamanut sunniuteqapiluutaasusamik suliaqarneruvoq aammalu taamatu nunatsinni suliffeqarfiuteqartunut suliffissaqartitsisuusunut aningaasat kaaviaarneranik ilaqutariippassuit iluaqutigalugu aningaasarsiorfigisaannut sunniuteqarluartartamik ingerlatsisuusunut innarliisussaavoq inatsit una siunertani uniorluinnarlugu.

Nunatsinni namminersortut amerlisartussaavagut atugaat pillugit aporfilersuiffiunngitsumik maanakkut tamanut innarliisussamik suliaqarnek akuerineqarsinnaanngilaq ataasiakkaat aaqqiiffiginarlugit nunatta aningaasiorfii namminersortut tamavimmik pillaassutigisariaqanngilaat ataasiakkaanut qanoq iliuuseqarniarsarineq. Politikikkut tungujorpallaalersimasumi oqaluttaaluni killiffeqarnermi una aappaluppallaarujussuaqaaq innarliinissaq nunatsinni aningaasarsiorfinni annertuallaarujussuaqaaq.

Taamatullu inatsisissami assersuutitut kisitsisit saqqammummiunneqartut assigiingillat saqqummiussami oqaatigineqaraluarpoq (36/42/44 procent minus 25 procent). Taamaasilluni 11% 17% taamatullu 19%-imik akiligassiisarnissamik oqaloriarluni assersuusiornermi 100 25% peeraanni 75 sinneruttup 17%-ia peertassasoq assersuusiarineqaraluarpoq 42 %-imut, tamanali procentinik kisitsisarneq aallaavigalugu taamatut kisinneqassappat taava 100-miit 75 17%-tia taamatut peernqarpat 100 miit inernera tamakkiisoq 37,5%-iiginnassaaq illuatungaani lu oqalutoqarluni 42 %-ia aaniarneqartoq, taamatatut saqqummiineq assersuusiorneq paatsuungasaarinerunngikkuni kisitseriaaseq toqqammavilersuutinut naapertuullinngilluinnartuummat kukkuneruvoq annertoq suliaripallanneqarneranullu ersiutaalluni. Taamaammat atorunnaarsitsinermi iluanaarutisiat assigiinnngissummik tassannga nalimmassaasumik akileraaruserneqartarnissaata atulersinneqarnissaa siunniuneqaraluartoq uagut Naleqqamiit peqataaffigisinnaanngilarput.

Una aamma OECD siunnerfiinut siunnerfik akerliuvoq, tassami suliffeqarfiit pitsaasumik atugassaqarlutik inerisarneqarnissaanut aporfivoq tamanna Naalakkersuisooqatigiit nutaamik eqqarsaatersuuteqarfigilerammikku taamaassimassappat pilersaarusoqqaarlutik iliuuseqarniartarmata allatut pilersaaruteqalersimanersut assut Naleqqamiit paaserusukkaluarparput suna pilersaarutigineraat.



Naleraq

Taamatut oqaaseqaateqarluta inatsisit allanngortinnissaanut siunnersuutip imarisai qulequttat marluk tapersersorlutigit pingajuat ingerlatsiviit akileraarnerunissaanik inuusuttunut kingornussisartussanut ataatsimut ingerlatseqatigiiffinnut innarleerujussuartaq itigarterujussuarlugu suliaq suliarillugaanngitsoq tapersersunngilluiinnarlutigu oqaaseqarfigaarput.

Qulequttat inatsimmi nalimmassagassat ikiorsiissutinut akileraaruteqartannginnissamik taamatullu nalilinnik annissuisarneq pillugu allannguutissat taperserlutigit Aningaasaqarnermut akileraartarnermullu ataatsimiititaliami suliarineqarnissaa innersuussutigaarput..